

Radici sarsaparillae primam aquae copiam infunde, quacum per horas sex in balneo vaporis seponas, tum defunde; residuum cum altera aquae copia eodem modo tractatum fortiter exprime. Liquores commixti subsidant et antea filtrati in balneo vaporis ad partes novem evaporent. Refrigeratis spiritum vini adde.

Sit coloris e fusco nigri et paullum turbidum.

Elaeosacchara.

- R.** Sacchari albissimi pulverati partes triginta, . 30.
 Olei aetherei cujuslibet partem unam. 1.
 Misceantur.

Electuarium e Senna.

Electuarium lenitivum.

- R.** Foliorum Sennae pulveratorum partes novem, 9. 60
 Fructuum Coriandri pulveratorum partem
 unam, 1. 67
 Syrupi simplicis partes quadraginta octo, . . 48. 320
 Pulpae Tamarindorum depuratae partes
 sedecim. 16. 1067

Foliis sennae et fructibus coriandri mixtis adde syrupum et pulpam tamarindorum. Leni calore in balneo vaporis paretur ex iis electuarium spissum, e viridi fuscum. Servetur loco frigido et sicco, ne corrumpatur.

Elixir Aurantiorum compositum.*Loco Elixirii visceralis Hoffmanni.*

- R.** Corticis Fructus Aurantii a parenchymate
interno albo mundati et concisi
partes sex, 6.
Corticis Cinnamomi Cassiae contusi partes duas, 2.
Kali carbonici puri partem unam, 1.
Vini Xerensis partes quadraginta octo, 48.
Extracti Gentianae, 1.
Extracti Absinthii, 1.
Extracti Trifolii, 1.
Extracti Cascariillae, singulorum partem unam. 1.

Corticem fructus aurantii, corticem cinnamomi cas-
siae et kali carbonicum infuso vino macera per dies
octo, tum exprime; in tinctura extracta supra dicta solve.

Postquam subsederint, filtra.

Sit limpidum, coloris fusci, odoris peculiaris aromatici,
saporis amari.

In vasis bene clausis servetur.

Elixir Proprietatis Paracelsi.

- R.** Aloës, 2.
Gummi-resinae Myrrhae, singularum grosso
modo pulveratarum partes duas, 2.
Croci partem unam, 1.
Spiritus Vini rectificatissimi partes viginti
quatuor, 24.
Acidi sulphurici diluti partes duas. 2.

Aloae, gummi-resinae myrrhae et croco pulveratis
infunde spiritum vini et acidum sulphuricum, macera
per dies octo, deinde filtra.

Sit coloris e rubro fusci obscurioris et limpidum.

Emplastrum adhaesivum.

R. Emplastri Plumbi simplicis partes quatuor, . . . 4.
Resinae Pini Burgundicae partem unam. . . . 1.

Liquefacta calefiant, donec spuma plane consumpta
massa olei instar tranquille fluat et colore obscure
fusco imbuta appareat.

Sit nitens; vetustum recenti praeferendum.

Emplastrum adhaesivum Anglicum.

R. Gelatinae partes decem, 10.
Spiritus Vini rectificatissimi partes qua-
draginta, 40.
Syrupi simplicis partem unam. 1.

Gelatina in tanta Aquae copia in balneo vaporis
solvatur, ut soluta efficiant partes centum viginti; hujus
liquoris adhuc calidi partibus sexaginta penicillo
saepius inducatur tela bombycina, Taffent dicta, satis
expansa, quae, triginta grammatis Gelatinae adhibitis,
latitudinem pollicum sedecim, longitudinem pollicum
quadraginta, superficiem igitur pollicum quadratorum
sexcentorum quadraginta habeat. Quod inductum fuerit
siccetur.

Gelatinae solutae partibus sexaginta residuae paulatim spiritus vini rectificatissimus et syrupus addantur, quibus admixtis tela bombycina eodem modo illinatur.

Tandem telae dorsum **Tincturae Benzoës** quantitate sufficiente inducatur et bene siccetur.

Madefactum cuti tenaciter adhaereat.

Loco sicco servetur.

Emplastrum Ammoniaci.

R. Cerae flavae,	4.
Resinae Pini Burgundicae, singularum	
partes quatuor,	4.
Gummi-resinae Ammoniaci depuratae	
partes sex,	6.
Gummi-resinae Galbani depuratae partes	
duas,	2.
Terebinthinae partes quatuor.	4.

Cerae et resinae pini burgundicae liquefactis, deinde per linteum colatis et semirefrigeratis gummi-resinae et ammoniacum et galbanum, in terebinthina in balneo vaporis jam antea solutae addantur.

In bacillos convolvatur.

Sit subviride.

Emplastrum Cantharidum ordinarium.

Emplastrum vesicatorium ordinarium.

- R.** Cantharidum grosso modo pulveratarum
partes duas, 2.
Olei Olivarum communis partem unam, 1.
Cerae flavae partes quatuor, 4.
Terebinthinae partem unam. 1.

Cantharides cum oleo olivarum mixtae per aliquot horas in balneo vaporis seponantur, in quo additis et cera flava et terebinthina cuncta liquefiant; refrigerata in bacillos convolvantur.

Sit emplastrum tactu pingue, molle, particulis viridibus nitentibus aequabiliter dispersis.

Loco sicco servetur.

Emplastrum Cantharidum perpetuum.

Emplastrum vesicatorium perpetuum.

- R.** Terebinthinae, 6.
Resinae Mastiches pulveratae, singularum
partes sex, 6.
Cantharidum subtiliter pulveratarum partes
duas, 2.
Euphorbii subtiliter pulverati partem unam. 1.

Terebinthinae et resinae mastichae leni calore liquatis admisce cantharides et euphorbium.

Sit emplastrum e subviridi nigrum, durum, fragile.

Emplastrum Cerussae.

Emplastrum Plumbi hydrico-carbonici. Emplastrum album coctum.

- R.** Plumbi oxydati subtilissime pulverati
partem unam, 1.
Olei Olivarum communis partes quatuor
et dimidiam, 4½.
Plumbi hydrico-carbonici subtiliter con-
triti partes septem. 7.

Plumbum oxydatum cum oleo olivarum coquatur sub agitatione continuata, instillando sensim et caute modicam **Aquae communis calidae** copiam, ne humor deficiat. Plumbo oxydato soluto plumbum hydrico-carbonicum addatur.

Coque iterum continuo agitando et quum ad 125° C. pervenerint, adde, si opus fuerit, in intervallis **Aquam communem calidam**, donec fiat emplastrum, quod refrigeratum in bacillos convolvatur.

Recens paratum sit album, tempore flavescens; plumbum hydrico-carbonicum plane subactum sit.

Emplastrum de Galbano crocatum.

- R.** Emplastri Plumbi simplicis partes viginti
quatuor, 24.
Cerae flavae partes octo, 8.
Gummi-resinae Galbani partes viginti
quatuor, 24.
Terebinthinae partes quatuor, 4.
Croci subtiliter pulverati partes tres. 3.

Emplastrum plumbi et cera flava liquefiant et mixta semirefrigerentur, deinde gummi-resina galbanum in terebinthina in balneo vaporis soluta massae semirefrigeratae addatur, denique crocus, antea cum tanta **Spiritus Vini rectificatissimi** copia, ut pulvem efficiat, contritus adisceatur.

Refrigeratum in bacillos convolvatur.

Sit coloris e subflavo fusci.

Emplastrum Hydrargyri.

Emplastrum mercuriale.

R. Hydrargyri depurati partes octo,	8.
Terebinthinae partes quatuor,	4.
Emplastri Plumbi simplicis partes viginti quatuor,	24.
Cerae flavae partes sex.	6.

Hydrargyrum cum terebinthina addita **Olei Terebinthinae** aliqua parte exactissime conteratur, deinde emplastrum plumbi cum cera liquatum sub perpetua agitatione sensim addatur.

Emplastrum refrigeratum in bacillos convolvatur.

Sit cinereum, oculo non armato globuli hydrargyri conspicui sint nulli.

Emplastrum Mezerei cantharidatum.*Loco Emplastri Drouotti.*

- R.** Cantharidum pulveratarum partes sex, 6.
 Corticis Mezerei concisi partes duas, 2.
 Aetheris acetici partes sedecim, 16.
 Resinae Mastiches partem unam. 1.

Cantharidibus cum cortice mezerei in cucurbitam immissis affunde aetherem, macera per aliquot dies saepius agitando, tum filtra, quo facto resinam mastichen in liquore solve, quem penicillo **Emplastro adhaesivo Anglico** ita illinas, ut triginta cantharidum grammatis adhibitis tela pollices sedecim lata et viginti septem longa i. e. superficies pollicum quadratorum quadringentorum triginta duorum inducatur.

Emplastrum Plumbi compositum.

Emplastrum Lithargyri compositum. Emplastrum Diachylon compositum.

- R.** Emplastri Plumbi simplicis partes viginti
 quatuor, 24.
 Cerae flavae partes tres, 3.
 Gummi-resinae Ammoniaci depuratae, 2.
 Gummi-resinae Galbani depuratae, 2.
 Terebinthinae, singularum partes duas. 2.

Emplastro plumbi et cerae liquatis adde gummi-resinas et galbanum et ammoniacum antea in terebinthina in balneo vaporis solutas.

Refrigeratum in bacillos convolvatur.

Sit emplastrum e fusco flavum, tenax.

Emplastrum Plumbi simplex.

*Emplastrum Lithargyri simplex. Emplastrum
Diachylon simplex.*

- R.** Plumbi oxydati subtilissime pulverati et
calefaciendo ab Acido carbonico
liberati partes quinque, 5.
Olei Olivarum communis partes novem. 9.

Coque moderato igne, spathula semper agitando et
pauillum **Aquae communis calidae** subinde instillando,
donec fiat emplastrum, quod refrigeratum in bacillos
convolvatur.

Sit album, tenax, non unguinosum, plumbi oxydati
non soluti nihil continens.

Emplastrum saponatum.

- R.** Emplastri Plumbi simplicis partes duodecim, 12.
Cerae flavae partes duas, 2.
Saponis Hispanici pulverati partem unam. 1.

Emplastro plumbi ceraeque in balneo vaporis liquatis
sub perpetua agitatione sapo hispanicus addatur.

Emplastrum refrigeratum in bacillos convolvatur.

Sit tenax, albidum non lubricum.

Euphorbium.**Euphorbium.**

Euphorbia officinarum L. et aliae affines species.

Euphorbiaceae Juss. XXI. 1. (XI. 3.) L.

Frustula pisi magnitudine usque ad fructus coryli avellanae, multiformia, saepe perforata, sordide subflava, opaca, frigore friabilia, magnae acritudinis, pulvere sternutamentum vehementissimum excitante.

A ramulorum partibus saepe admixtis liberatum **caute** servetur.

Extracta.

Ad extracta paranda aqua calcariae carbonicae quam minimam copiam continens adhibeatur.

Evaporent extracta sub perpetua agitatione in balneo vaporis, in quo aetherem et spiritum antea destillavisse licet.

Balneum vaporis ita sit instructum, ut liquores, qui in eo evaporent, aquae ebullientis calorem aequare non possint.

Extracta quod ad spissitudinem pertinet, in tribus gradibus paranda, haec sunt:

1. tenuiora, quae mellis recentis sunt densitate,
2. spissiora, quae refrigerata nequeunt effundi, sed spathula in fila distrahi possunt,

3. sicca, quae possunt conteri; parentur ita ut extracta ad spissiorum densitatem evaporent, deinde massae e vasis exemptae leni calore siccatae pulverentur.

Extractorum spissiorum narcoticorum copiam parvam cum **Radice Glycyrrhizae** pulverata mixtam ad pulveres mixtos parandos praesto esse licet. Qui ut conficiantur,

Extracti partes quatuor 4.

et

Radicis Glycyrrhizae subtiliter pulveratae

partes tres 3.

in patina porcellanica calefacta misceantur et temperatura 40 ad 50° C. siccentur, donec pondus non amplius diminuatur. Massa sicca adhuc calida conteratur eique radicis glycyrrhizae subtiliter pulveratae tantum addatur, ut extracti adhibiti copia duplicata sit. Hujus pulveris pensetur copia duplo major, quam quae extractorum ordinariorum a medico praescripta fuerit.

Extracta spissiora in vasis porcellanicis bene tectis, tenuiora et sicca, nec minus pulveres narcoticorum in vasis vitreis, obturamentis suberinis clausis, omnia vero extracta loco frigido et sicco serventur.

Habeant odorem et saporem plantarum, e quibus parata sunt.

Extracta, quae soluta liquorem limpidum non praebent, quum limpidum esse jussum sit, in aqua iterum solvantur, soluta filtrentur et denuo evaporent.

Extractum Absinthii.

R. Herbae Absinthii partes quatuor. 4.

Herbae Absinthii minutim concisae et in vas idoneum immissae tantum **Aquae ebullientis** affundatur, ut puls efficiatur, quae per viginti quatuor horas loco frigido seponatur, interdum agitetur; tum liquor exprimatur. Residuo iterum **Aquae ebullientis** minorem copiam, quam antea affunde, ut iterum pulvem efficias, quam duodecim horis post exprimas. Liquores obtenti defundantur, colentur et ad **duodecim partes** usque evaporent. Quo facto aliquamdiu sepositi et iterum defusi ad **extracti spissioris** densitatem evaporent.

Sit e fusco nigrum, in aqua colore fusco limpide solvatur.

Extractum Aconiti.

R. Tuberum Aconiti grosso modo pulvera-
torum partes duas, 2.

Spiritus Vini rectificati partes quatuor, 4.

Spiritus Vini rectificati partes tres. 3.

Tuberibus aconiti affunde spiritus vini priorem copiam, macera per dies octo saepius conquassando in vase clauso, tum liquorem exprime. Residuum affusa altera spiritus vini copia eadem ratione atque antea tracta. E tincturis et mixtis et filtratis leni calore **extractum spissius** paretur.

Sit coloris e flavo fuscus, in aqua colore e flavo fusco turbide solubile.

Caute servetur.

Extractum Aloës.

R. Aloës pulveratae partem unam, 1.
Aqueae destillatae partes quatuor. 4.

Aquam destillatam affunde aloae pulveratae et mixturam per horas quadraginta octo saepius agitando macera. Liquor subsidat, deinde colatus evaporet et in **extractum siccum** redigatur.

Sit pulvis e flavo fuscus, in aqua turbide solvatur.

Extractum Belladonnae.

R. Foliorum et Ramulorum recentium Belladonnae florecentis partes viginti, . . . 20.
Aqueae communis partes tres, 3.
Spiritus Vini rectificatissimi partes quatuor, . . 4.
Spiritus Vini rectificati partem unam. 1.

Folia et ramuli belladonnae in mortario lapideo contusa fortiter exprimantur, quod aqua affusa iterum fiat. Liquores commixti colentur et in balneo vaporis

ad quatuor partes usque evaporent. Quo facto spiritu vini rectificatissimo admixto per horas viginti quatuor seponantur et interdum conquassentur; deinde per linteum colentur. Residuum vehementer expressum cum spiritu vini rectificato conteratur ac denuo exprimatur. Liquores obtenti misceantur, filtrentur et ad extracti spissioris densitatem evaporent.

Sit obscure fuscum, in aqua colore fusco turbide solvatur.

Caute servetur.

Extractum Cardui benedicti.

Paretur e **Foliis Cardui benedicti** eodem modo quo extractum **Absinthii**.

Sit coloris e fusco subviridis, in aqua eodem colore solubile.

Extractum Cascarillae.

- R.** **Corticis Cascarillae** grosso modo pulverati
 partem unam, 1.
Aquae communis ebullientis partes quatuor, . . 4.
Aquae communis ebullientis partes tres. . . . 3.

Corticis cascarillae infunde aquae copiam priorem, stent per viginti quatuor horas, tum exprime. Residuo affunde alteram aquae copiam, macera et fac ut antea.

Liquores ita parati commisceantur, subsidant, defundantur et in vase porcellanico ad spissioris extracti densitatem evaporent.

Sit obscure fuscum, in aqua turbide solvatur.

Extractum Chelidonii.

Paretur ex **Herba Chelidonii** floescente recenti uti extractum **Belladonnae**.

Sit obscure fuscum, in aqua colore fusco turbide solvatur.

Extractum Chinae fuscae.

Paretur e **Cortice Chinae fusco** eodem modo quo extractum **Cascarillae**, nisi quod ad extractum siccum redigatur.

Sit pulvis fuscus, in aqua colore e subfusco albo turbide solubilis.

Extractum Colocynthis.

- R.** **Fructus Colocynthis** a seminibus liberati
 et grosso modo concisi partes duas, . . . 2.
Spiritus Vini rectificati partes duodecim, . . . 12.
Spiritus Vini rectificati, 5.
Aquae communis, singulorum partes quinque. 5.
 Fructui colocynthis affunde spiritus vini copiam priorem, digere loco tepido per aliquot dies, interdum

agitando, tum vehementer exprime. Residuo affunde spiritus vini alteram copiam et aquam, digere saepe agitando per viginti quatuor horas et exprime.

Liquores obtenti et commixti defundantur, colentur; quo facto **extractum siccum** inde paretur.

Sit pulvis e flavo fuscus, in aqua turbide solvatur.

Caute servetur.

Extractum Colombo.

- R. Radicis Colombo** grosso modo pulveratae
 partem unam, 1.
Spiritus Vini rectificati partes duas, 2.
Spiritus Vini rectificati, 1.
Aquae communis, singulorum partem unam. . 1.

Radici colombo priorem spiritus vini copiam affunde, digere loco calido per aliquot dies interdum conquassando, tum fortiter exprime.

Residuo spiritus vini alteram copiam et aquam affunde, digere interdum conquassando per viginti quatuor horas et exprime.

Liquores obtenti et commixti defundantur, colentur et evaporent; tum **extractum siccum** ex iis paretur.

Sit pulvis e flavo fuscus, in aqua turbide solubilis.

Extractum Digitalis.

Paretur e **Foliis et Ramulis Digitalis** florecentis recentibus uti extractum **Belladonnae**.

Sit obscure fuscum, in aqua colore e fusco flavo, paullum turbide solvatur.

Caute servetur.

Extractum Dulcamarae.

Paretur e **Stipitibus Dulcamarae** uti extractum **Absinthii**.

Sit coloris e fusco nigri, in aqua colore fusco limpide solubile.

Extractum Ferri pomatum.

R. Pomorum acidorum, bene contritorum
partes quadraginta octo, 48.
Ferri pulverati partem unam. 1.

Pomis in pulvem redactis admisceantur stramenta concisa, tum exprimantur; liquor subsidat et coletur; deinde in balneo vaporis cum ferri pulverati copia praescripta vel tanta, ut parva ejus pars non soluta remaneat, tam diu calefiat, quam diu ferrum solvatur. Liquori refrigerato **Aquae** addatur tantum, ut **quadraginta octo partes** efficiantur; quo facto filtretur et ad extracti **spissioris densitatem** evaporet.

Sit colore e viridi nigro, in aqua fere limpide solvatur.

Pro acidi copia in pomis ipsis contenta et ea, quae fermentatione orta erit, extractum ferri pomatum continet 7 usque ad 8 partes ferri in 100 partibus, non nunquam vero copiam multo minorem.

Extractum Filicis aethereum.

- R.* Rhizomatis Filicis recens siccati, pulverati,
 partem unam, 1.
 Aetheris partes tres, 3.
 Aetheris partes duas. 2.

Rhizomati filicis infunde aetheris copiam priorem, in vase clauso interdum agitando macera per dies tres. Liquore defuso residuum exprime, aetheris alteram copiam ei infunde et fac ut antea. Liquores obtenti commisceantur, defundantur, filtrentur et destillatione aetheris ad quartam partem usque diminuti ad extracti tenuioris spissitudinem evaporent.

Sit coloris subviridis, in aqua non solubile.

In vasis bene clausis servetur.

Extractum Gentianae.

Paretur e Radice Gentianae uti extractum Absinthii nisi quod aquae ebullientis loco aqua frigida adhibeatur.

Sit coloris fusci, in aqua colore fusco limpide solubile.

Extractum Glycyrrhizae crudum.

Roher Lakritzensaft.

Succus Glycyrrhizae crudus. Succus Liquiritiae crudus.

Extractum compactum, durum, in cylindri formam redactum, nigrum, fractura nitens; saepissime foliis lauri involutum, saporis peculiaris duleis, in aqua relictis heterogeneis solubile.

Extractum Glycyrrhizae depuratum.

Succus Glycyrrhizae depuratus. Succus Liquiritiae depuratus.

Extractum Glycyrrhizae crudum in dolio extractorio stratis altero alteri impositis, stramine interjecto maceretur per horas viginti quatuor cum **Aquae communis frigidae** ea quantitate, ut obtegatur. Deinde liquore per strophingem emisso maceratio eodem modo, quoties opus erit cum nova quantitate aquae reïteretur. Ex his liquoribus perfecte limpidis **extractum siccum** paretur.

Sit pulvis fuscus, in aëre facile humescens, a cupro liber.

Extractum Gratiolae.

Paretur ex **Herba Gratiolae** recenti eodem modo, quo extractum **Belladonnae**.

Sit obscure fuscum, in aqua colore fusco turbide solvatur.

Caute servetur.

Extractum Hellebori.

Eodem modo, quo ex **Radice Colombo** paretur extractum ex **Radice Hellebori viridis** praeterquam quod ad **extracti spissioris** densitatem evaporet.

Sit intense fuscum, in aqua turbide solubile.

Extractum Hyoscyami.

E Foliis et Ramulis recentibus Herbae Hyoscyami florentis paretur extractum uti extractum Belladonnae.

Sit coloris obscure fusci, subviridis, in aqua colore fusco turbide solubile.

Caute servetur.

Extractum Ipecacuanhae.

Emetinum coloratum.

- R.** Radicis Ipecacuanhae grosso modo pulveratae partem unam, 1.
 Spiritus Vini rectificatissimi partes tres, . . . 3.
 Spiritus Vini rectificatissimi partes duas, . . . 2.
 Aquae destillatae partes quatuor. 4.

Radici ipecacuanhae grosso modo pulveratae infunde spiritus vini copiam priorem, macera per aliquot dies, tum residuum exprime. Cui affunde spiritus vini copiam alteram et fac ut antea. Liquores commixti ad densitatem extracti spissioris evaporent, ex quo in aqua destillata soluto, tum filtrato extractum siccum paretur.

Sit pulvis luteus, in aqua limpide solvatur.

Caute serva.

Extractum Juniperi.

Succus Juniperi inspissatus. Roob Juniperi.

Fructibus Juniperi recentibus contusis affunde Aquae communis fervidae quadruplum et post refrigerationem modice exprime. Liquor subsidat, coletur et ad extracti tenuioris densitatem evaporet.

Sit fuscum, in aqua turbide solubile.

Extractum Ligni Quassiae.

Paretur e Ligno Quassiae uti extractum Cascarillae. Sit coloris fusci, crystallulis saepe immixtis, in aqua turbide colore fusco solvatur.

Extractum Mezerei spirituosum.

Extractum Mezerei aethereum.

R. Corticis Mezerei minutim concisi partem unam, 1.
Spiritus Vini rectificatissimi partes quatuor, . 4.
Spiritus Vini rectificatissimi partes tres. . . . 3.

Corticem mezerei affusis spiritus vini partibus quatuor, digere per aliquot dies interdum agitando, tum fortiter, exprime.

Residuo affusa spiritus vini copia altera operationem repete.

Liquores commixti et filtrati ad extracti tenuioris densitatem evaporent.

Sit subviride, in aqua non solubile.

Caute servetur.

Extractum Opii.

- R.** Opii pulverati partes quatuor, 4.
 Aquae destillatae partes sedecim, 16.
 Aquae destillatae partes duodecim. 12.

Opio infunde aquae destillatae priorem copiam, per viginti quatuor horas saepe agitando macera, tum exprime et cola.

Residuo infunde aquae destillatae alteram copiam, macera per viginti quatuor horas, exprime et cola.

Liquores subsidant, filtrentur et in **extractum siccum** redigantur.

Sit pulvis e rubro fuscus, in aqua turbide solvatur.

Caute serva.

Extractum Ratanhae.

- R.** Radicis Ratanhae grosso modo pulveratae
 partem unam, 1.
 Aquae communis partes quatuor, 4.
 Aquae communis partes tres. 3.

Radici ratanhae infunde aquae priorem copiam, infusum per viginti quatuor horas sepone, saepe agita, tum exprime.

Residuo infunde aquae copiam alteram, sepone iterum per viginti quatuor horas et exprime.

Liquores commixti subsidant, defundantur, in vase porcellanico evaporent et in **extractum siccum** redigantur.

Sit pulvis splendens, e nigro rufus, in aqua turbide solubilis.

Extractum Rhei.

E Radice Rhei eodem modo quo extractum Ratanhae paretur.

Sit pulvis e fusco niger, in aqua colore e rufo fusco turbide solvatur.

Extractum Rhei compositum.

Loco Extracti catholici et panchymagogi.

R. Extracti Rhei partes tres,	3.
Extracti Aloës partem unam,	1.
Aquae destillatae partes quatuor,	4.
Saponis jalapini partem unam,	1.
Spiritus Vini rectificati partes quatuor.	4.

Extractis et rhei et aloës in aqua destillata leni calore emollitis adde saponem jalapinum in spiritu vini rectificato solutum. Mixta evaporent et in extractum siccum redigantur.

Sit pulvis coloris e nigricante fusci, in aqua colore e fusco flavo turbide solubilis.

Extractum Sambuci.

Succus Sambuci inspissatus. Roob Sambuci.

Fructus Sambuci maturi recentes in lebetes stanneo balneo vaporis exposito continuo agitando calefiant,

donec dirumpantur, tunc exprimantur. Succus expressus subsidat, deinde colatus ad **extracti spissioris** densitatem evaporet. Quo facto succi inspissati adhuc calentis **partibus duodecim, 12.** admisce

Sacchari albissimi pulverati partem unam. . . 1.

Sit coloris e violaceo fusci, saporis e dulci aciduli, in aqua paullum modo turbide solvatur.

Extractum Scillae.

Paretur e **Bulbo Scillae** uti extractum **Ratanhae**.

Sit pulvis subflavus, in aqua paullum turbide solubilis.

Extractum Seminis Strychni aquosum.

Extractum Nucum vomicarum aquosum.

R. Seminis Strychni grosso modo pulverati **partem unam, 1.**

Aquae ebullientis partes quatuor, 4.

Aquae ebullientis partes tres. 3.

Semini strychni affunde aquae ebullientis copiam priorem, mixta per viginti quatuor horas sepone, interdum agita, tum exprime.

Residuo affunde aquae ebullientis alteram copiam et fac ut antea.

Liquores commixtos subsidendo et defundendo limpidos factos in **extractum siccum** redige.

Sit pulvis e flavo fuscus, in aqua colore e subviridi albo turbide solubilis.

Caute conserva.

Extractum Seminis Strychni spirituosum.

Extractum Nucum vomicarum spirituosum.

R. **Seminis Strychni** grosso modo pulverati

partes duas, 2.

Spiritus Vini rectificati partes quatuor, 4.

Spiritus Vini rectificati partes tres. 3.

Semini strychni affunde spiritus vini priorem copiam, digere per quadraginta octo horas, vas subinde conquassando, tum decantato liquore residuum bene exprime. Huic affunde spiritus vini alteram copiam et fac ut antea.

E tincturis mixtis et filtratis paretur **extractum siccum**.

Sit pulvis fuscus, in aqua turbide solubilis, sapore peramaro.

Caute conserva.

Extractum Senegae.

Paretur e **Radice Senegae** uti **extractum Colombo**.

Sit pulvis e flavo fuscus, in aqua turbide solubilis.

Extractum Taraxaci.

Paretur e **Radice Taraxaci** recenti cum **Herba** concisa uti extractum **Absinthii** praeterquam quod liquores extractione obtenti et colati non ad duodecim sed ad tres partes usque evaporent.

Sit e nigro fuscum, in aqua paene limpide solvatur.

Extractum Trifolii.

Paretur e **Foliis Trifolii fibrini** uti extractum **Absinthii**.

Sit coloris e fusco nigri, in aqua colore fusco limpide solvatur.

Fel Tauri.

Ochsengalle.

Fel Tauri depuratum siccum.

R. Fellis Tauri recentis,

Spiritus Vini rectificatissimi, singulorum
partes aequales.

Misceantur exacte; mixta aliquamdiu seposita filtrentur; quo facto ex liquore spiritus vini in balneo vaporis destillet.

Residuo saepius agitando **Carbonis animalis humidi**, antea **Acido hydrochlorato depurati**, sensim tantum addatur, ut liquoris portiuncula exemta et filtrata coloris sit subflavi, tum filtretur et liquor in extractum siccum redigatur.